

偶

齋

詩

草

偶齋詩草內集卷四

辛巳集

宗室寶廷竹坡著

送張孝達前輩巡撫山西

與君生不幸值此時事艱相從侍 彤廷抗疏同直言

君言富經濟我言空擊彈豈不觸衆怒實賴 聖德寬

君今當遠行使我涕洟瀾性疏罹禍易 恩重全身難

久此共憂患不樂君高遷羨彼求友鳥和鳴幽谷閒

故人何揚州直諫劇激烈前歲送南行一駒成永訣人

生重聚散生離卽死別天涯縱健在重見實難說我頭

已有霜君鬢漸添雪光陰不暫留莫負頭上月

明月朗如日燕晉清光俱雲霧時往還山川阻修途天  
上恒此月地下陰晴殊隻影卻獨照索居空長吁安得  
好風來時時爲掃除千里共相望異地離懷舒

去年對 便殿惟我三人同強項抗羣議葵藿抒愚衷  
去秋黃叟去祖帳飄西風今茲復送君巖凝當隆冬雲  
歸太行西月出滄江東夢中縱識路魍魅愁相逢

又二首

節鉞臨唐國星輶舊路經河聲斷秦晉山色合幽并俗

儉宜輕賦民良莫重刑別離何足慨三載共 彤廷  
萬丈太行山門開天漢間朔風吹大雪匹馬度雄關遠  
別何須惜生離有日還丈夫誓許國休歎鬢毛斑

既作前詩餘意未盡再賦一首

男兒各有一腔血不灑邊庭灑京闕赤手無能報 國  
恩一枝柔毫三寸舌憶昔西溟使槎返波濤頃刻生蛟  
窟上方請劍誅賊臣 青巒傳詔同書笏貫索芒開虎  
兕走文星移光照吳越西班濫列幸有侶鳳池聯步隨  
滌筆 聖朝無闕稀諫書蓬萊峯頭錫旌節喬木高遷

慰眾望幽谷友聲獨淒咽揚州何遜行幾時梅花滿地  
羈詩骨我年四十已早衰攬鏡兩鬢皆添雪人生聚散  
豈等閒生離安知非死別天涯縱使各健在生前把袂  
竟難必是時正值元冥候新陽未壯堅冰結寒鷄空唳  
夜不旦亂星爭光逼孤月把酒送君不忍乾牢騷填胸  
語難出時事艱危竟若此離愁別恨何足說但使時平  
各安居此別何妨成永訣立功立言不朽同行矣勉旃  
時勿失

使閩集

壬午  
武夷集附

辛店題壁

阻雨投村店愁懷晚倍加時艱臣戀闕子幼客思家  
舊事十年久前途萬里賒輝光誇使者行旅且休嗟

寄示大兒

已入青齊境迢迢先使車愚頑當愛第安穩莫思余質  
弱頻嘗藥身閒好讀書家門多瑣事子細寄雙魚

渡運河

辭家七百里運河今日渡河中水北流河上人南去

雨後難行偶成

耕憂旱行憂雨農夫樂旅人苦赤日當頭泥沒股名利  
薰心不知暑君不見村農終歲不出門鋤禾汗亦滴下  
土

晏城題壁

千里平原客路悠並無巒岫入詩眸青山一髮驚何處  
只訝歸途又涿州

自涿州東行數日不見一山至  
禹城始見濟南諸山

杜家廟題壁

千里馳驅道阻長南山當面聳青蒼行人到此重迴首  
今日猶堪望故鄉

牟流店懷古

生積百萬金難買死後淚  
叔子豈配人敵亦服高義當  
時論兵力吞吳原易事不爭  
一時功欲作萬年計我過  
牟流店無碑亦垂涕亂山圍  
孤村夕陽已西墜

紅花埠題壁用癸酉韻

埠外卽蘇境

九年兩度走征騷舊句空存讀  
不堪風景依然了無異  
客心自覺近江南

寄懷京中諸友用杜子美夢太白韻

丈夫志四方別離亦淒惻驛程多阻隔朝夕無休息南



行廿二日日日苦相憶豈作兒女態人事本難測江深  
水氣腥山高瘴雲黑鴻雁不敢來蠻煙倦雙翼西風轉  
眴到天地換秋色獨行增淒涼有詩吟不得

歸期安敢必行行半未至清誰不迴首悵歎增別意人  
生少權樂居行皆不易城市無風波坦途有顛墜故人  
半貧老惟我稱得志蔗外柏其中家國心交頽宦途無  
貴賤有心盡成累休言身後名生前正多事

臨江旅館有棕竹一叢題壁贈之

勁節同松柏風霜苦不知亂絲纏未了解脫待何時

建陽旅館題壁

雨後建溪漲桑乾一色黃小僮不知路笑說到家鄉

水口旅館夜作

殘燈半滅淡無輝睡破匡牀冷舊幃却憶深閨更漏靜  
也應夢得遠人歸

九月望闈中題壁

萬山西北來孤城壓海水明月飛上天文光破雲起七  
閩饒英材才華盡可喜文章難報國實用乃爲美卓哉  
李忠定千秋同仰止繼起或有人才猷本經史網狹難

宏收偏暗當自耻

江郎石歌

江氏兄弟愛此山化石駢立山之巔萬古手足同枝連  
南來北往周三面分合正側恣奇幻怪雲一朵因風變  
三峰削出青有痕湧出天半不見根搖搖欲動隨行人  
無情之物猶如斯天長地久難相離惟我獨無良可悲

題如此江山第二圖

道光甲辰湯雨生將軍爲黃樹齋少司寇作如此  
江山圖以貽焦山自然菴主定峯同治甲戌彭雪  
琴駐軍焦山命閻廖竹亭筠作如此江山第二圖  
時菴主爲六淨定峯法曾孫善畫雅人也光緒丁

丑吳清卿過山復爲摹一圖六淨裝爲一卷遍請  
名流題詠王干季冬余使閩歸重過焦山六淨因  
芥航上人屬題余夙愛雪翁爲人有奇氣仲冬至  
杭泛湖訪公不遇季冬三日余自焦山渡江泊於  
瓜步適值公自楚旋相見於舟中談論頗洽既喜  
得重見焦山芥航復喜得見雪翁不禁援筆成詠  
工拙不計  
聊寫意耳

焦山江頭古戰場山高不改江水長焦仙無語默感傷  
眼看幾度興復亡我來重游躋禪堂舊景變易倏十霜  
扼江築壘南北望一臺獨踞江中央紅旂照水波生光  
鼓角對喧蛟螭藏廖吳妙筆相頡頏描摹勝景追前湯  
披圖熟視心傍徨撫今追昔增悲涼江防容易難海防

洪濤浩渺嗟望洋魍魎得勢恣猖狂鯨鯢鼓浪鋒莫當  
徐福自大學夜郎指南不返憂越裳老彭髮白猶激昂  
功成身退榮利忘西湖花開三潭香南高峰迴嵐氣蒼  
湖山有美足徜徉時局如此隱不遑

題焦山文文山先生墨蹟

文山歌正氣千秋仰忠烈聞其未相時頗不拘小節始  
知多情入乃能有熱血遺蹟留名山墨瀋永不滅

又題楊忠愍公墨蹟卷子

頸血已乾遺墨在禪房展觀生光彩北風捲浪撼焦山

折退潮頭下東海名山自合藏妙蹟珍重流傳數百載  
忠魂繞函夜不散血痕滿紙凝青紫古人諫難今諫易  
一言不合罹重罪幸值 聖明言路開虛得直聲亦可  
耻迴環莊誦不忍置愧服交深空仰止詩成閣筆燈欲  
滅落葉漸瀝敲窸紙

福州

白龍飛去越王死千載荒臺猶此名一水翻山趨大海  
萬峰拔地東孤城虎門漫說真天險鹿港空聞有重兵  
試上風濤亭遠望長崎咫尺接東瀛

嚴子陵祠題壁

故人足天子腹貴何榮賤何辱東臺放歌西臺哭

祠後二峯

東爲釣臺西爲謝  
臯羽哭文信國處  
戰血紅漂江水綠  
天生奇人不許獨  
千載遙遙遠相續

飛來峰洞題壁

西湖冬景好偷暇  
暫盤桓澗冷泉聲  
澁雲寒山翠乾名  
高招謗易恩重退  
身難故里昆明近  
相期把釣竿

表忠觀題壁

古觀荒涼湖水灣  
焚香瞻禮仰靈顏  
願王慨假三千督

射到東瀛第一山

書扇

人生本虛幻人爵復何論  
食食當忠事豈忍辜國恩  
得暇則行樂篋空不知貧  
湖山喜重至留戀迷旅魂  
朝出滿詩囊暮歸空酒尊  
若非程期迫幾欲忘言旋  
豈是故放誕人生當率真  
狂奴有狂癖故態君莫嗔  
名節重泰山富貴如浮雲

江上與吳漸陸別

久違十五年乃得一相會  
豈忍遽言別人生各有事重



逢或有時俱非少壯歲丈夫異兒女臨歧亦有淚君既  
長貧賤我亦無兄弟高堂有老親珍重四方志

孝婦祠

孝婦之孝能感天能使東海不雨經三年不能感官吏  
使知此獄冤吁嗟乎感天易感人難

鄭州除夕

殘燈坐對冷無輝旅館宵深人語稀兒女家中應共語  
阿爺今歲不能歸

雄縣元旦

志廣終難遂官高漸不勝歸田知有兆報 國本無能  
放眼乾坤大回頭歲月增良材需碩輔祝禱及時興

武夷集

望幔亭峰

六國紛爭變局開中秋高會衆仙來至今迴憶當年事  
尙覺人生未可哀

家居集

癸未

正月十二日作

歷盡奔馳苦言旋萬里程歸家羣喙息罷職一身輕已

畢今生事何期後世名惟慚 恩未報無計答 昇平

香界寺題壁

青苔滿徑落花稠庭院無人夏似秋

寺傍有行宮近年夷人消夏於此

玉宇瓊樓天上境當年幾輩得來遊

樹根小憩對斜陽掃石題詩翠蘚涼聞說 先朝諸侍

從 宮門珥筆和 天章

寶珠洞

古寺萬峰巔清風人欲仙遠烟如海濶大野共天圓南  
越飛烽火東瀛習戰船放懷窮六合縱眺意茫然

弔法華上人

翠微山下山翠新白雲山上多白雲白雲羈人不許返  
故山猿鶴悲早春人生危急如朝露千古傷心成一誤  
早知金印能禍人應悔當年下山去

法華曾爲正印  
僧官因事遭譴

夏至前一日飲酒作

短至飲酒當卜夜長至飲酒當卜晝火繖罩頭朱暉溢  
南陸鳥肥北陸瘦羲馭迂道忘崦嵫六螭慵鞭任遲留  
酒泉吸深源頭涸銅壺未乾玉壺覆良辰開襟恣沈湎  
醉眼縱觀感物候瓜生菜秀靡獨死秉氣無心殊溥厚

鳴鷄爭噪反舌寂語默依時豈譎誼蜉蝣得意嚇螻蛄  
朝暮如年誇上壽蝸蟻高吟笑蠅穢故轍渾忘同逐臭  
覽物悟人明化機命也其正當順受幸值安居無疾疢  
及時行樂遑恤後有酒可醉胡爲貧守錢萬貫誰之富  
酒酣翹首望炎天忽憶海邊蠻鬪戰血流野熱如酒  
飛礮落頂刀夾脰樂極憂來酒氣湧偷閒舖啜心良疚  
拍案欲起醉不能西陽滿院南風驟

燕市酒

燕市酒荆卿飲處猶在否茫茫五千年如此酒人能幾

有祖龍死後餘毒存化爲修蛇西溟走吁嗟乎安得徐  
公舊七首安得徐公舊七首

住處留菴題石

貴雲溪先生慶罷官築

菴留佳處幾經年小住渾忘六月天却羨前賢饒逸興  
罷官猶有買山錢

擬杜感事

萬里懸軍入千艘破海來島夷多遠略殘寇有奇才黑  
闡心空壯包胥哭枉哀老成謀國善邊釁肯輕開

無備難爲國因循莫用兵江頭方破敵城下已求盟不

道藩籬撤猶云蠻觸爭籌邊推德裕妙算幾時成  
吞噬藏竒計憑陵隱譎謀行爲諸夏患豈獨小邦憂郡  
縣傳炎漢藩封溯有周中華聲教遠向化幾千秋  
偏處貪謀急爭衡隱患深損威傷國體示弱啓戎心覆  
轍中山鑿兵端南海尋三韓箕子邑東望屢沈吟

重陽

東河水湧千村哭南海烽飛萬衆號市月閉門頻臥病  
重陽載酒強登高傷心夷夏憂千載放眼乾坤髣二毛  
縱使明年仍此會蹉跎身世總牢騷

送李雨蒼之歸化

西風燕市帳分襟相對同憐髻雪侵佩劍鍊枯銷戰血  
旅囊金盡滅雄心駝鳴古塞荒沙厚馬踏空山落葉深  
迴首南交烽火遍離歌都作鼓聲音

寄懷張香濤

眼中烽火南交近夢裡星辰北極遙大漠草枯嘶病馬  
秋天風勁落飢雕有心報國慚良友無福求功愧  
聖朝迴首鳳池如昨日舊遊分散各迢迢

書林篋雲扇



大風吹海水有客返泉州遠火標高塔孤烟走巨舟羽  
書申浦急烽燧鬼門稠時事方如此分離那足愁

冬雨

十月雨不雪上天恩澤醲蔓草飽污穢當道猶青葱牆  
陰有直木枝高飄疾風豈其無堅心時地有不同陽和  
休倖恃弱質難耐冬嚴霜一朝來委棄隨飛蓬良材樂  
盤錯時至仍蓀龍斧斤休自戕留待春光融

點點復滴滴長夜彌悽悽葉乾聽逾響隨點落堦遲寒  
氣侵窓燈搖搖若風吹獨坐默無語肌粟思添衣回頭

念盛夏沛然何淋漓休云膏澤少已過甘霖時

擬古

元冥換節序宿雨增暮寒朔吹入夜高枯木驚摧殘愁  
來不能寐下堦聊仰觀聳肩羞瑟縮豈爲衣裳單啓明  
遲未出長夜嗟漫漫天雞胡弗鳴非時開喙難昂首望  
北辰輔弼衆星繁光輝若可接徑絕安敢攀

小國望帡幪大邦資藩屏託宇不能庇威損玩心生維  
鄭本周臣楚強何敢爭一楚尙難敵况許秦越盟玉帛  
候兩境偷安情可矜強恐漸跋扈弱慮終吞併一婦聘

數夫心紛安望貞開門揖羣盜偏處同爭衡虎牢幸早  
戍勿吝勞重兵機會一朝失捷足將先登

主弱難爲僕客強難爲鄰鄰強與人事實暴名假仁吁  
嗟世風變變局日益新祭政兩分主強鄰如權臣一鄰  
肆欺陵衆鄰同解紛解紛豈排難有利沾欲均謀深術  
易墮勢衆力難分奴僕何足爭所志在主人

寄焦山芥航上人

公爲退院僧我是罷官人榮辱雖不一一般無事身羨  
公居名山禪榻棲江雲寒濤截四面無路來紅塵囊空

難買山欲隱無奈貧低頭處市井終年永閉門

逐婢篇

自從供指使豢養逾十年雖無吹篴功頗佐記室牋承  
恩招怨忌恃寵忘罪愆一朝致驅逐積時去不還屏居  
亦無苦念主家室難有過自悔愧未酬養育恩婢妾亦  
良多難得房老賢房老果得人終棄何足論慨彼齊紈  
扇秋風遭棄捐但願炎暑絕君身常帖然縱使拋泥塗  
皎皎心亦安

擬登高山而望遠海

登高山而望遠海不見蓬萊山神仙縹緲果何在不見  
神仙但見城郭與人民云是當年徐福之子孫徐福入  
海爲避秦而何秦習今猶存遠交近攻思併吞思併吞  
先南鄰南鄰已併窺北鄰西南遙望鹿耳門

### 戰城南

戰城南乃在□□之南□□之北主不能戰客戰客魑  
魅魍魎互相擊秦西以商賈爲攻奪教化爲殘賊陰謀  
險計取人國祇謂滅此彈丸再朝食孰意鼓爾逢勁敵  
黑旗萬丈搖瘴烟礮火入烟旗朱殷轟雷未落霜刃起

開花委地燿血水怯花奔逃  
勇花死吁嗟乎黑闥中華  
一盜耳義勇奮發乃如此  
可惜東京百仞城城下不戰  
已受盟

偶成

懸頭乾血漬毛紅勁敵從茲  
不敢攻太息越裳諸將帥  
中華殘寇竟成功

飲馬長城窟行

茫茫城下水漫漫接渤海  
渤海難盡城分防需重兵重  
兵趨遠方近畿忘海防  
近海千里岸兵寡屯莫遍海濶

難定流天空難定風出門各自傲地異心弗同客從南方來遺我紅河魚呼兒烹河魚中有乞援書長歎讀客書書外意何如上言起宜早下言食宜飽

冬日二十韻

朔氣滿乾坤閒居獨閉門陽和何日返衰病此身存霜重千山瘠風狂萬木翻歲餘窮節物晝短縮朝昏潛窟蛟先蟄休巢鳥不言菊枯惟有影草死幸留根災歎方郊遂兵戈又翰藩黔黎驚蕩析蠻觸歎并吞黑海飛舟熱紅河戰血渾寒潮隨雨起凍溜破冰奔時事實堪慨

窮愁奚足論豈能暖狐貉但願飽饔飧昔記登青瑣  
身曾侍紫垣狂愚頻抗疏放誕再乘軒馬病蹄先蹶  
鴻飢翼弗騫有兒傳祖德待死報皇恩氣餒羞看劍  
憂深卻倒樽冠低頭莫舉鋒鈍舌須捫榮辱觀千載興  
衰望八垠醉來聊覓句計日盼春溫

擬杜

舊境傳交趾新名溯越裳前朝會郡縣古昔已梯航他  
族謀初動中原寇正張要盟隨反覆據險恣披猖西貢  
居蛇豕東都縱虎狼花開滿地火刀閃一山霜黑闥偏



忠竇黃巢卻助唐輪摧江血熱旗展墨雲涼軍弱聲彌  
壯城存主遽亡齊師方逸馬鄭伯竟牽羊犯 闕仇猶  
在焚 宮恨豈忘妖氛三島逼烈燄九霄揚 聖代詎  
修怨遠夷何恃強誕敷欽舜帝斯怒仰文王徐達韜鈴  
富彭錢智略長中樞推李泌內相重張良朔雪凝兵甲  
蠻烟護斧戕屏藩誰慎保門戶更周防海外飛征檄天  
涯布戰場廿年勞教訓一舉定安攘才絀 恩難報時  
艱願莫償凱歌思豫作禱祝代賡颺

歲暮懷人四首

乾坤俛仰空看劍歲月蕭條獨倚樓徒剩閒身依北  
闕頻聞亂耗報南洲天心不悔中華禍世道難寬古聖  
憂故友分飛各千里舊遊如夢怕回頭

彈指人間歲又終迢迢南北苦寒同三邊山雪埋荒草  
九派江流滾朔風莫使文章妨專業休將富貴論窮通  
鳳池舊侶分離盡諫稿焚銷粉署空

陳伯潛提  
學江右

支離病骨瘦難勝老屋宵深獨對燈無計報恩期後  
日未能謀國望良朋風翻黑海戈船疾冰滿紅河戰  
血凝轉胸春來凍先解津沽翹首感彌增

張香濤巡撫  
山右

春申浦上羽書傳  
漂泊星槎何處邊  
江口六朝埋戰骨  
海門萬國走兵船  
上方劍請懷前日  
南土文衡又幾年  
安得歲寒三友共  
夜闌同醉酒如泉

黃漱蘭提學  
江南五年矣

偶齋詩草內集卷五

養拙集

甲申

宗室寶廷竹坡著

正月既望夕醉後示同席諸君

行年卅五豈云老雅集良宵拚醉倒功名事業縱難期  
詩酒風流傳亦好有客有酒兼有肴旣然卜夜須達曉  
唐花捷足竊春光天工遲輸人力早對花暢飲爭無詩  
口號相酬莫需稿中觴啜口忽振觸撫今追昔心焉悼  
詩人酒客任滿座新交漸多故交少

是夕同飲十餘人  
惟王芷亭道士志

伯時秋宸昆弟宗子  
美四人爲同社舊友

努力歡笑總勉強不似當時真醉

飽太守空饑厭酒杯神仙未死容先槁少陵老大官始

遷秋谷轉眴須如草

伯時病不飲  
秋宸多髭

我幼貧賤習勞苦邇

來疾病時纏繞諸君謬愛枉相祝

是日  
賤辰

自古窮愁難壽

考微雲罩空月不明東風捲地爆竹鳴醉中恍惚聞戰  
聲忽憶天南猶鬪爭礮火遮山萬民哭我輩猶此麀酒  
兵杞人多憂亦逾分當局自有人經營相將佳節且共  
醉君不見侯門戚里今夕同張燈

烽火

烽火燒難息經冬又徂春安危懸此歲和戰恃何人氣

視驚頻見饑荒歎荐臻運籌需衆力重責委儒臣

### 遣流民

清江收流民間風歸如水官紳重帑項善終弗若始春  
來急資遣驅逐不容止給資二百錢遣歸一千里民聚  
哭向官長跼不肯起道民蒙收養倖生已半載一朝何  
不諒促迫返桑梓老母飢已亡五歲尙有子迢迢望山  
東空腹艱步履積雪况載塗衝寒凍將死縱使倖還鄉  
無家亦長餒與其殫中道甯作異鄉鬼去住同難活暫  
爾免轉徙但得寬遣期不敢望賑米流民哭不住縣役

叱不已願風吹此聲送入使相耳

阿洪二十生日醉後偶成

人生無百年少壯能幾日廿六始生兒今年已二十

偶成

獻替開言路匡襄重宰官時危除弊易任大得人難治  
亂從頭試華夷拭目觀集思方廣益宵旰 聖心殫

擬杜

射影含沙已可危況將矛盾自相持李牛遂恐終分黨  
洛蜀須知共一碑祇合鷹鷂毆鳥雀何圖獬豸觸熊羆

內憂外患皆堪慮未到諸君角勝時

廣化寺題壁

紅櫻鮮豔喜初開珍重韶光善自培  
不見桃花前正好東風一夜滿塵埃

春寒

東風留餘寒纏綿不使去朝夕往復來  
不覺已春暮亂紅忽滿地昨日尚在樹  
當春方發生搖落機已露感此歎浮生  
憬然如有悟

偕汝明韻清伯從遊滴水巖



一年一度叩禪關鳥道崎嶇任往還老衲相逢笑相問  
先生今亦鬢毛斑

初夏與芷亭伯時子美飲酒

一樽相對莫逡巡詩酒交情久更真春去始知韶景好  
老來倍覺故人親花枝已謝香何在樹葉初生影亦新  
歡笑勿辭同醉倒海南翹首尙煙塵

輓吳小軒

長慶

文武忠孝一身有如此古人多見否海風大起蛟螭吼  
丈夫爭先求不朽嗟君不幸保領首嗚呼在國失良將

在我失良友

與鏡寰飲酒用淵明讀山海經韻

閒居嬾酬酢友朋日以疏舊交老猶存時復來做廬有  
酒且同酌醉談詩或書日晚不敢留送君家無車肉貴  
食難饜聊爾飽時蔬君行我當送扶掖有兒俱身家尙  
難治遑敢有遠圖斯世人萬千誰甘不我如

陶然亭送張香濤

之洞

如粵張幼樵

佩綸

如聞

友朋久聚處淡泊如常情偶然當離別百感由此生人  
生各有事安得同止行各了百年身甘苦難均平古今

幾賢豪疇弗有友朋離別亦習見別淚例一零今日天氣佳有酒且共傾勿作祖帳觀聊爾遊江亭俯視大地濶仰觀高天青餘生尙幾何願醉不願醒

送張幼樵之閩

萬嶺走甌閩危城南海濱防邊勞 聖主守險責孤臣  
虎踞門當道龍藏劍躍津地吞三面水天界四時春  
田瘠魚充米山荒獸雜民無諸初立國徐福舊爲鄰  
俗悍兵偏弱商通農更貧赤嵌拓夷館烏石奉祆神  
憶昔侍金馬相隨驅 玉宸簪毫同記注抗疏并敷陳  
愧我

私情誤輸君壯志仲已拚成暴棄難與濟艱屯韓范堪  
追逐施姚豈等倫月卿崇秩晉星將盛威振誓忍憂時  
淚常留有用身先籌子房箸休念季鷹尊異域陰謀急  
中華武備新 熙朝重言路獻替待何人

懷張幼樵

馬尾孤軍駐傳聞萃敵船恐君戰先死愧我醉將眠險  
境避無地孤忠佑有天奇才留大用容易漫軀捐  
纔報雞籠捷烽煙倏入閩戰和聽勅敵生死委孤臣危  
局嗟今日安居笑此身申江良友在赴援勿逡巡

樂善園偶成

牢愁莫解強遊觀，把酒登臨一浩歎。  
人世百年何事好，中華萬古此時難。  
流光猶且有代謝，勝蹟安能無敗殘。  
楓樹似嫌零落晚，初秋枝葉已流丹。

送定鎮平

成

之皖省親兼寄懷陳伯潛

大風吹海水雲氣滿，黃山把酒送君去。  
趨庭何日還病多，愁老速時難愧身。  
閒申浦逢星使道，余雙鬢斑。

黃再同招賞菊

隱士不甘居山中，託君宇下聊避風。  
喜得知已報恩過。

晚開不畏霜華濃黃君愛花夙有癖傾囊一買逾百叢  
肩擔車載不嫌遠移來羅列盈房櫛五色燦爛春華遜  
入室直欲忘秋冬知我愛菊折柬召主客有癖將母同

余亦餘菊  
數十種

花閒對坐細評品忘憂有物開愁棕烽煙隔

海望不見佳色照耀迷雙瞳示我鄒公畫菊譜洋種寫

照傳乾隆

鄒小山畫譜論  
洋菊卅六種

正色傲骨遜舊種新秧奇巧

矜玲瓏初來僅聞卅有六花農移接生無窮至今變化  
歲愈盛遠人驚視輸神工始知凡物貴善變陳推新出  
由擴充隨人步趨不求本縱得酷肖難爭雄中華才思

勝異域變夷用夏推花農嗚呼安得天下事盡如花農

冬河決

去歲東河決連村歸浩蕩颺颺恨黨少破冰起寒漲死  
者沈泥中生者臥冰上胥溺縱得免凍餒命終喪暴露  
盈荒隄冰窟幸藁葬翻羨先死人奔騰隨巨浪較勝生  
流離怖苦更無量 聖朝憫灾黎賑恤拊帑藏公事重  
文法因循難早放廷臣爭聚訟遲迴疎保障一歲竟重  
決哀哉足悽愴春來行解凍洪濤益難防

同又章集詩牌 又章新自塞外歸

歸家冬近盡風雪冷山河前日送君處寒郊秋草多

上巳同公玉伯從野步遇又章白石橋村肆小飲  
山遠難常遊郊野時閒步漫行無所之信步隨去路昨  
日新雨過襟花忽滿樹石橋值村肆足疲聊小住邂逅  
來故人小酌飽野蔬酒盡日亦斜相將各歸去萬物皆  
可觀美惡從所遇悅目卽賞心行樂無定處

立夏前一日送張幼樵之軍臺

憶昔從鵝班聯步趨 彤廷簪毫效獻替求應同氣聲



狂奴自不靖，敗裂嗟身名。累公獨報國，夙夜殫忠貞。  
豈期命途舛，志大功難成。荷戈遠戍邊，萬里西北行。  
恩深忍終棄，才大非虛生。珍重保此身，留以酬聖明。  
詎如我疎狂，一事無所能。偷閒樂藏拙，不敢希顯榮。  
所恨貧無田，欲隱難歸畊。但願兵氣銷，四海常昇平。

聖朝開言路，講幄有四友。忽忽六年間，凋零怯回首。  
何遜死揚州，全終名不朽。叔度倖貴顯，在外已成叟。  
公雖得奇禍，天數亦非偶。功過公論在，何勞強分割。賤子獨不材，休官罪自取。  
補贖歎無從，天恩負高厚。養拙

甘長終思歸田無有未老難遽死苟活焉耐久時艱  
國易設累重貧難守無聊惟自促婦人復醅酒憂辱脫  
生前衰誅聽死後了此無用身庶免增戾咎行矣同愼  
旃從此可分手

豪傑喜罵人得禍此居半勢盛隱銜恨時失顯罹患縱  
使倖免禍亦愧非本分學問與涵養於此胥可見我生  
夙躁率狂言每招怨窮途益不平使酒增憤憤故友知  
我病苦口屢規勸持此轉語公幸勿言河漢

送君出塞行花下同傾杯可憐兩枝花盡被東風摧一

八  
枝花墮地一枝隨風飛回思花始盛曾賴風吹開東皇  
豈有心物候因天時把酒送公去正值春將歸春歸明  
年還公去何時回

極樂寺海棠歌

滿庭芳草丁香白海棠幾樹生新碧數點殘花留樹梢  
脂枯粉褪無顏色國香堂閉悄無人花事凋零不見春  
塵生禪榻窓紗舊佛子渾如遊客貧老僧去年已示寂  
花徑苔深少遊客羽觴無酒醅東風夜靜花神空歎息  
轉眴繁華去若馳禪宮消歇亦如茲閒身贏得花閒立

可惜虛過花盛時蜂離蝶散春難開花落何須留晚照  
佛心若使果多情拈花也恐難成笑從來樂極會悲生  
莫向花前感廢興回頭西望衆香國海氣迷漫舍衛城  
淨業湖酒樓同芷亭及兒輩飲酒分得時字韻  
新荷如殘荷數點不滿池歎息盛年難匆匆能幾時

七月三日夜作

西風吹涼雨三更猶未住沈陰覆空庭昏黑如煙霧開  
窓漏燈光忽見牆邊樹流螢穿樹飛數點隱復露春歸  
方幾日炎暑倏又去光陰若年齒轉瞬近遲暮隱憂澹

窮愁身家豈容慮餘生倖苟活歲月甘虛度

清宵足岑寂雨聲悽以悲挑燈倚南牖悵然生離懷靜  
坐默自念亦復無所思人生各有憂艱難能顧誰呼兒  
取酒飲聽雨聊賦詩

題張小帆

曾敷

湘浦歸帆便面送別之湖南

水中明月八百里天上晴雲七十峯江竹淚漬嫺虞綠  
溪桃花駐羸秦紅楚南名勝古今詭山川草木胥不同  
宦遊於此已云樂矧乃五馬名位隆小帆太守我舊友  
南皮舊族殊凡庸玉堂久宿不知貴文人習氣全掃空

一麾榮把衆忻羨君獨憂懼無歡容告我楚南號難治  
地多伏莽虞內訌權輕深恐弗任重不如京國甘困窮  
身未進已萌退志歸帆作繪標幽衷我謂爲官在自振  
志定官職無卑崇有官報 國早圖報閒身憂 國嗔  
愚忠縱有熱血瀝無地積成磊塊空填胸連朝積雨留  
滯暑夏熱不去蒸秋風扶病送君氣鬱結臨歧執袂心  
忡忡時艱命舛况老憊此別何日重相逢君過湘水見  
蘭茝爲我憑弔求遺蹤

見菊花偶成

老近愁多別有心惜花倍覺惜光陰勸君莫盼黃花放  
盼到花時秋又深

寒深傲骨已難當贏得虛名亦可傷卻讓春花自矜貴  
但知雨露不風霜

讀罷離騷酒更傾風寒荒徑病蟲鳴天心不念靈均餒  
秋菊而今不落英

晚節休言自有香秋容慘澹不勝涼輸他厚福韓忠獻  
富貴偏能歸故鄉

重陽前夜作

雲沈天欲霜疏雨五更涼一夜西風急秋聲滿朔方  
乾坤身外大歲月死前忙獨坐念前事無憂亦斷腸

九日偕鏡寰公玉少甫稚甫大兒二兒飲八里庄

酒家醉後登摩訶菴東南石樓題壁

大海西風烽火收佳辰與客上僧樓殘年屈指猶餘幾  
行樂無時况覓愁

答錫蘭臺

時需次杭州

六橋三竺擅清幽到此知君夙願酬吏治至難惟縣令  
宦遊最好是杭州新交未識誰青眼再見應知已白頭



各爲殘年覓溫飽窮途何暇說離愁

送汝明之鳳臺

蕭齋酒醉笑言譁靜坐停杯愁思賒老近生離如死別  
途窮作客勝居家樹因寒早翻留葉菊爲開遲尙有花  
物候人生皆爾爾勉旃行矣漫咨嗟

臘月三日作

閒居無客不開門小屋窓明午日溫醉臥正思年少事  
老姬報說已生孫

老病惟餘兩鬢絲居然已到抱孫時依稀記得兒生日

報與椿聞喜不支

癡聾集

丙戌

元旦偶成示王公玉阿藝圃

除夕醉卽臥元旦起復醉爆竹驚酒醒忽念又增歲養  
此無用身百年成何事養身無如酒省事惟有睡呼兒  
視酒巽賒來酒罄未

陽春信有脚遘行不少遲元旦尙未旦東風條已來爆  
竹飛滿城絡繹奔晴雷一聲上天驚落地身已灰感此  
念人世不醉將胡爲

元旦寅時立春

行年四十七壯心猶未空酒醉忘老盡遇事逞詞鋒去  
臆娶兒婦居然成家翁新年賀新春上堂拜跪同人生  
幸到此例當癡復聾從此誓自戒萬事休爭雄有志待  
兒補飲酒甘長終

去年當今日越海沈兩舟越裳軍屢退苦戰兵不休今  
年幸弭兵寰海無戈矛昇平信可樂託庇聊優遊廟堂  
安思危努力武備脩行樂任吾輩下士忘遠謀

故人瑯琊王過我同守歲中書閒無事元旦惠然至

公玉無家

來度歲藝醉來共尋樂復攜兒女輩梨園重奏聲竟日

圖官中書

聽歌吹技擊爭踴躍無敵冠同類苟非訓練精安能獨  
拔萃乃歎作優俳習武亦非易

得善汝明書寄懷

人生難得惟少年瞥眼一去不復還少年難得常溫飽  
及此良時讀書好功名事業可晚成胸中經濟儲須早  
我生年少狂過君癡情壯志心平分誤疑名士卽豪杰  
遊戲已可成傳人熊魚豈識莫同取名樂兼收天不許  
年來始歎作人難可惜年華不吾與海風捲日天生波  
中華四顧餘幾何杞憂獨抱太平世攬鏡忽驚頭雪多

宗支縱有親疎異

汝明  
覺羅

休戚相關本無二男兒若欲報

國家莫待中年方立志蹉跎轉瞬已成翁衰病例學

癡與聾窮途妄想尙難盡不朽惟有求詩工燕山雲霧

清淮水南北迢迢二千里停杯遙望夜蒼茫眼中之人

吾老矣

借句

賦得春水

不到堅冰解安能辨濁清何妨花片點依舊鏡光明舟  
楫待重用風波應又生之江一迴首難忘別離情

寒食日出遊有懷張幼樵用韓昌黎寒食日出遊

贈張籍韻

東風醫活羣芳病花事將興春漸盛草痕染地柳染天  
上下青青互相映春寒禁錮生機滯一朝驟暖發生競  
佳辰幸值聊漫遊近郊踏遍詩同詠卽景懷人益感觸  
關山遠隔焉就正京華春色今年遲邊城苦寒蕭索更  
始知天時限地氣草木無情亦有命風寒日燠各分權  
造物豈能私大柄閒身病減且優游養拙偷安洵自慶  
慨君志大勝儕輩世人愈罵我愈敬思君遠戍居庸外  
重關閒阻山河寬可歎命舛值時艱遂使臣賢負主

聖盛名難副，責備多安怪。衆謗羣疑併，鐘鏞已破留餘。  
音薑桂雖灰，存本性鍛翎。雕鸚讓雀狂，罝駕驂駟輸。鴛  
橫對景慨，君兼自慨閉。目強笑熱淚，迸幸值承平。弭兵  
革方隅，平砥海清鏡。廢臣戍客樂，偷閒且脩詩。律講酒  
政待承，雨露潤苗枯。莫詡風霜知草勁，聖代從來無  
棄材。早晚金鷄頌，赦令

題壁

薄醉偶題壁，何人喻此衷。病多知老近，閒久覺詩工。窮  
達一身外，悲歡百歲中。春光已過半，倦臥負東風。

華山謠送黃子壽先生

彭年

之陝西按察使任

顛天肅殺金維偏秋氣降地凝華山華山學地不學天  
上下一直方不圓山形若古司寇冠峭然坐鎮秦隴閒  
一石入土上出雲其高三萬尺五千其廣四十周井田  
河伯東行山神闕巨靈手快工解紛紛勸山讓河山爲分  
山肉流盡山骨存金波萬丈滋雲根化生一朵瑤池蓮  
濁流照影清絕塵華山志士兼仁人南峯主雨西主乾  
肥蠟徵旱四海歎都龍作霖天下歡興雲產物益下元  
災祥互降威下民

見漢碑

維嶽有神威兼恩收斂清汰天



付權天刑坐執天秋官

見許讚張  
墟二賦

送公陳臬西之秦吏

民瞻仰山嶽尊風骨峭厲私莫干淤泥不染貴愈貧官

符地位秋氣全寬裏猛表秋兼春蓮池講學宏陶甄

曾爲

蓮池書  
院山長

濂溪提刑徵淵源蓮峯顧王蹟未湮公餘教士

追前賢小子癖山自幼年岱宗兩登華未攀故人西歸

惠瑤編披覽棖觸心更殷閉門四載辜此閑婚嫁累多

遊遠難夢中蓮花縈吟魂希夷教我學睡仙廉車行經

當駐輪爲我一登落雁巔望攜俚句問九閭但恐隔絕

天難聞

得汝明寄詩答之代柬

人生無弗難早死少小窮愁老不已丈夫虛生七尺身  
人間萬事難由已少年放蕩頗自喜此生惟期作名士  
一朝僥倖登仕途抱負始知無可恃爲臣大義當致身  
况復同姓殊衆人時艱才短性乖僻回頭事事辜 深

恩罷官三載如醒夢此身自悟原無用若教權重位更  
尊誤 國殃民罪增重窮途妄念希遭際請君自問能  
何事縱難大志學古人豈甘下伍凡庸輩我生自誤首  
在詩詩雖勝人安用之聰明才力盡虛擲老近自悔時

已遲西風捲樹雨聲脆打窓點點滴如淚挑燈醉讀故人詩酒隨愁湧昏欲睡慨君年少如我狂詩筆驟進豪  
莫當此生衣鉢幸有託對酒自喜重自傷

偶齋詩草內集卷六

抱孫集

丁亥

北山集附

宗室寶廷竹坡著

元旦偶書

除夜已過半空齋坐相對雖未至元旦已同增一歲賒  
來尚有酒安可不一醉主客縱不同身閒則無異宇宙  
若斯大竟無可作事凍餒幸獲免終歲乏生計死期難  
豫知遲早皆可至樂生既無術憂死亦莫避不如隨衆  
生苟活天地內感舊情徒勞慮後心枉費我有自愚方  
凡事盲現在

公玉在偶齋度歲

去年當元旦深懷一歲憂三百六十日屈指良悠悠日  
長家累重無米炊難謀助貸縱有人誰應無厭求倏爾  
復今日歲月驚已周居然未餓殍閒居任優遊今日思  
明年仍與去年侔豈其忘籌備素手無可籌人壽矧莫  
定知能終歲不不死總可生何事先徒愁

我年廿有六三月始生兒去年甫卅七竹已見孫枝開  
歲越二日我孫月已彌客來同賀我相見喜弗支人生  
各有福嗇彼豐於斯家貧得婦晚抱孫喜不遲有子萬  
事足自喜當倍之爲人貴知足聊復進一卮

早飯出門去詣兄賀新年我兄睡方起相見同開顏邀  
兄往觀劇辭言身畏寒豈真耽歌舞難得同身閒震甫  
兄自  
去年既無可憂事及時聊求懽明年縱同健事或有變  
遷小人無遠慮行樂但目前

維蘅篇壽聯仙蘅五十

維蘅具夙根芬芳君子寶苦竹幸有緣移植同蓬島竹  
高易凌霄解籜成竿早野花誤牽縈風厲旋吹倒蘅香  
美難蔽詎使閒地老重移江南岸志遠何嫌小世無不  
朽木而有長生草春色年年同根深永無槁願蘅善韜

晦芳孤慎自保毋作媚人香  
憇俗學麝腦蘭芷堪相親  
同氣無妨少薰蕕幸明辨臭味休相擾  
莫受灌溉恩雨露待蒼昊  
風霜莫生畏疾勁節乃表采服伴  
亦苓俾民同壽考寄贈代兕觥  
比物申頌禱

送志白石之粵西慶遠四首

窮途無新交故人尙有幾  
老近重謀生各了餘年耳  
朋友何暇顧已難戀兄弟  
衰病少宦情強行九千里  
愛君不能留知君匪得已  
差勝守故鄉相視同凍餒  
舉酒勸君飲臨歧勿出涕  
十年亦匆匆忍飢或不死

桂嶺杳天末，況乃隔嶺南。遐哉古宜州，城郭依巉巖。蛇涎浸泉水，蠱毒蒸煙嵐。孱軀幸珍攝，詩酒休沈酣。

循吏異名士，夙習須盡芟。才短事尤慎，官貧財更廉。贈言重臨別，迂腐慚常談。故人同引領，利涉思收帆。

題岳忠武硯十四韻

今古一頑石，乾坤三偉人。中興歎冤獄，亡國泣孤臣。骨冷明湖水，血枯燕市塵。偷生爲全孝，致命盡成仁。試玩銘辭切，彌徵心事醞。精忠忻有繼，翰墨豈無因。末祚尤衰弱，孤枕更苦辛。可憐乏名將，安得抗強鄰。若使生同



世何難志共伸喪師偏遇賈誤國詎殊秦微物奚堪重  
遺文良足珍瑤琴應并列玉帶合同陳才畧判長短勛  
猷非等倫一般值磨涅信是不緇磷

磨而不磷  
涅而不緇  
忠武自銘  
硯旁

有謝疊山贈  
文文山跋

北山集

行經明陵二十四韻

巍巍天壽山獨立鎮幽燕勝國十三代荒陵五百年凋  
零悲此日壯麗憶從前福壤規模大神工製造堅嶺雲  
雙闕整嵐翠四圍圓虎峪右高踞龍岡左近旋唐碑同

沒字秦塹及重泉

陵前東龍西虎逼肖四面山如大環惟長陵碑有字他碑皆無字與唐陵

同

殿閣齊皇極

長陵高殿楹數與皇極殿同

穰危逼紫躔滄桑驚變

易岸谷慨推遷樵采雖仍禁

本

朝有神靈已弗蠲寶

碑禁樵采

城芳草滿輦路野花鮮村豎偷神主鄉民佃祭田

乾隆年間

陵荒已甚神主亦被竊餘可知矣發帑重脩近復漸漸殘破

鬼燈紅隱月石馬白明煙

棟朽蛇猶守

相傳長陵殿有人乘涼睡醒仰見巨蛇蟠梁開大驚匍匐而出

堦傾狐自

眠大師墳尙在老佛事會傳骨肉相殘賊忠良共斧鉞

迨看鎔錫裊應悔入金川身後胥如此功成亦枉然我

今瞻舊蹟弔古念遺編英武空垂後昏愚莫繼先宦官

嗟跋扈黨禍歎株連政虐毆民散臣庸誤主賢吉凶休  
問地興廢詎關天殷鑒元非遠知人祚自延

妙峯游草

丁亥

攜大兒遊滴水巖

兩畚杖履賴追隨十五年華去若馳莫謂少年精力健  
重來已不是兒時

漸知非集

戊子

立夏次日病中與步崖聯句

臥病不知春已去強欲聯吟不成句

偶

愁腸填塞詩腸

枯白晝酣眠日虛度

步

老近病多尤惜陰一日不死一

日吟

偶

不求生壽求死壽留名當有詩千首

步

丈夫須

作有用人莫向詩中求不朽

偶

蒼天生我非偶然埋頭

章句殊可憐

步

老夫耄矣異少壯回頭事事空負天

偶

挂冠歸來雙鬢皓詩囊愈富宦囊少

步

通家何幸得詩

人衣鉢能傳貧亦好

偶

南風撼城天氣溫日光晝晦蠻

雲屯落花滿院鳥聲絕垂楊一樹依短垣

步

春光雖去

去未遠癡心欲追追不返勸君須惜地上花轉眴沾泥

青草滿

偶

俗人但道春光遲春遲猶有歸去時可憐辭

家遠遊子日日天涯愁別離步人生有愁愁各異消愁

無那惟沈醉我雖不飲酒意存聊備新詩消磊塊偶余自

去歲酒下則氣滿不敢飲酒亦恨事也

大兒壽富中式舉人偶成示之

老病疎家教慚聞子舉鄉國恩今始受父過汝休忘  
海內乾坤仄人生歲月忙詩書希有用幹蠱豈文章

偶成再示壽富

汝祖五十九吾始爲舉人今年汝僥倖吾猶未五旬廿  
九吾登第雖貴不救貧逾年遂違養事葬同悲辛人生

須早貴顯揚方及親哀哉徑寸草花晚難報春

廿五吾舉鄉次年始生汝祖老喜抱孫樂甚兒得舉道  
汝頭角好聰穎勝汝父終日不離身嬉戲常笑語今汝  
倖中式速往拜汝祖墳墓吾羞見吾過賴汝補

哭王芷亭

君死我不弔有情愧無禮目不見君喪聊當君未死閉  
目卽見君猶是病時形思欲夢見君反側寐不成昨暮  
辭君歸已知是死別猶冀可再見不忍遂永訣早知再  
見難悔不守終夕贖此片時聚錯過良可惜老健君尙

死何況我早衰縱難卽相見暫別無幾時人祝君登仙  
我願君作鬼蓬島隔夜臺生死無見理我生本無兄君  
死猶有妹正亭姊妹皆才女姊妹皆未字骨肉不能留  
朋友何足計我欲再有言又恐言更哀言盡哀無盡聊  
爾成此詩

和子美人日詩

用東坡人日獵城南詩中迴首  
英雄人老死已不少三句爲韻

丙戌

東風最無情歲去春復回七日少閒斷滿城飛紅埃故  
人不賀歲持送新詩來醉臥懶折讀呼兒代我開酒興

見詩增起復盡餘杯

平生少年時處已亦頗苟萬事任情作不顧人掣肘行  
來四十七汗下覺顏厚哀樂盡謬誤舊事怕迴首餘生  
能有幾□□□□□知非或有之改過恐否否

我生得子早相繼皆長成去冬娶新婦兩食米又增舊  
書幸能讀或可繼家聲同學有良友亦復才□英捫心  
日知愧義方訓未能

公孫惡舊交□□逢惡賓自問難無僞遑責迹不真仕  
隱雖不同所同皆家貧縱使少真交尙存幾故人餘生



知幾何未死聊相親

一事未終作忽忽已近老人生報  
君親欲報皆須早

莫恃歲月長事每廢中道閉門徒餽啜壯志從此了欣  
逢春又來能言愧好鳥

靈光寺題壁

丁亥

春山風暖早花開  
蒿目雲煙萬壑哀  
歲歲春山遊不足  
今番不是看山來

仲春晦日擷秀山房早起偶成

丁亥

扶病臥禪榻昏昏萬念灰  
夢醒驚日上淚盡見花開  
春

色又如許人生良可哀無聊強自解覓句共登臺

壽大妹五十

己丑

吾家昆弟少至親惟有妹癡長一月餘生喜同一歲少  
小同貧賤辛苦境嘗備長大常分離居行各異地去年  
妹歸來相見面目異阿兄鬢有霜妹亦增老態流光劇  
促人倏忽五旬至抱疴難親祝作詩聊述意阿兄閒居  
久早哀身憔悴妹倩官已達何難富與貴宦遊隨東西  
常聚良不易但願俱壽考餘年各自愛

行年

行年五十此閒居白首重回壯志虛未報 國恩惟教  
子虛生人世且脩書傷心衰病逢新政放眼寰瀛臥舊  
廬自識餘生已無幾乾坤俛仰劇寬舒

題何鐵生畫蘭菊

菊花瘦難開蘭葉勁易折雨露空沾濡幽芳歎銷歇蘭  
萎菊亦殘凋零留傲骨餘芳能幾時珍重保晚節

和人塞上五月芍藥韻

東風開百花一怒忽折挫遠近各紛飛辭條任揚簸時  
維莫之春遷客促征馱悲君獨奔波笑我仍醉臥競爽

蓬不堪矧又弱一箇憂長途易窮愁重城難破但少死  
未知賴有貧可賀朝衣久已解欲從老無那梓桑幸得  
守敢復嗟坎柯沙場躡驂駟蹇驢甘運磨家聲愧中墜  
厚顏子羞課蒲柳稱早凋詎等荃蓀莖瑤章忽飛來險  
韻勉酬和句奇不敢讚詩名慮宣播仙葩倖寄遠地僻  
逃凌挫翻勝植薇省階砌苔侵澗差免傍瓊筵醉僮狼  
藉坐北中歎恒寒燭龍吹冷唾冠夏強殿春勿傷盛時  
過讓彼蓬與蒿應候茂沙堞天心眷晚芳留表朱夏大  
花相品久定待儲姚魏佐毒蠶善采摘珍重囑僧邏慎

莫狂童贈伊謔晒輕媿

中元

獨坐悲佳節憂心感舊新  
兒殤久無鬼女病尙爲人  
風雨偏今夕乾坤暫此身  
誰家熟錢紙入耳哭酸辛

送沈稼村南歸

巍巍五虎山橫立海中閒  
一夜東風起孤舟潮送還  
窮貧忘久客時難愧身閒  
共保餘生在分離涕莫潛

送別

前年送君行吟詩同飲酒  
三年不相見一滴不入口  
酒

戒詩亦少頽然成病叟終日臥蕭齋書卷不去手豈其  
欲立言用以待不朽差免爲人蠹月糜粟五斗梯航通  
十洲災荒遍九有閒居自著書縱傳亦可醜錢粟費公  
家餽遺累朋友養此無用身虛生顏何厚立言貴有用  
其言乃足取天畀生前年已延身後壽寄言同懷人有  
才莫孤負

送步崖歸汀州

庚寅

久客渾如家歸家如遠行朋儕苦牽留祖餞遲行程行  
者亦惜別幾度行復停歸家本樂事因樂愁翻增乃知

人閒世自苦皆緣情羨彼無情人安樂過一生

自君來京華忽忽已四載慨君三落第哀我殤二子去年女復殤悲痛徹心髓心傷致疾病四載病不已與君今復別一別七千里老病送行人臨歧各流涕重逢期二年或我尙能待行矣勿相思人生原爾爾

哭胡姬靜嫻

老去風懷絕相看一失聲九泉先待我幾日暫離卿命薄難從死

余正月病甚  
姬矢從死

緣慳莫再生傷心良自愧豈是

爲私情

季兒殤三周歲是日其母又生一子感作

嬌嗚驚入耳老淚轉潸潸生死三年際悲歡一日閒幸  
教吾及見姑當汝重還又觸癡心動持燈認舊顏

賀汪靜海六旬壽

庚寅絕筆

憶昔岱宗觀日出同登日觀之峯巔五更曉霞赤於血  
一抹海水清如煙名山再到懸虛願仙境偕遊感盛年  
兩地閒身猶契濶祝君老壯我窮堅